

Hor gostovao u Grazu, Austrija

U subotu 14.05.2011. godine u gradu Gracu u Austriji upriličena je internacionalna vjersko-kulturna manifestacija pod nazivom Veče Kur'ana. U raznovrsnom programu koji je trajao preko 3 sata uživalo je više od 400 prisutnih.

Glavni imam džemata Grac prof. Ibrahim ef. Šćepanović uputio je selame i zaželio dobrodošlicu svim učesnicima u programu, te svim prisutnima poželio ugodnu večer. Takođe je izrazio zadovoljstvo da džemat Grac uspješno realizira ovu manifestaciju već dugi niz godina.

Učesnici manifestacije bili su hafiz dr. Halil ef. Mehić iz Bosne i Hercegovine, hafiz Aziz ef. Alili iz Hrvatske, hafiz Ali ef. Tufekčić iz Turske, te hafiz Muhammed ef. Hikal iz Egipta, koji su svojim različitim, ali svaki na svoj način jedinstvenim i prelijepim učenjima Kur'ana časnog oduševili sve prisutne.

Cjelokupnu atmosferu je upotpunio gostujućih hor Ekrem-Ibrahim pašine medrese iz Travnika predvođen direktorom medrese mr. Muharemom ef. Dautovićem. Multinacionalni hor je izveo 5 prelijepih ilahija, a mr. Dautović je u svom izlaganju predstavio historiju i uspješnost medrese.

Džemat Grac koji je organizovao ovu manifestaciju sastavljen je od Bošnjaka iz Bosne i Hercegovine i Sandžaka, ali i Albanaca, Makedonaca i ostalih muslimana uglavnom sa prostora bivše Jugoslavije. Ovaj džemat u partnerstvu sa gradom Gracom, realizuje projekat izgradnje prve džamije i islamskog centra u Gracu, koji je među prvima ovakvog tipa u Evropskoj Uniji.

Naredne korake u realizaciji ovog velikog projekta predstavio je u svom obraćanju predsjednik džemata mr. Mekić. Takođe on je uručio i prve vakufname i zahvalnice dvojici najistaknutijih vakifa, vrijednom džematliji Husejinu Omeroviću za do sada uplaćenih 55.000 Eura vakufa, te Damiru Krupiću, mladom studentu bez oba roditelja i velikom aktivisti džemata, za do sada uplaćenih 600 Eura.

Hafiz dr. Mehić je u svom vazu prisunima ukazao na vrijednosti učenja Kur'ana, ali isto tako i istaknuo važnost podrške ovom jedinstvenom velikom projektu. Zapravo, on je objasnio vakifima da pomažu ovaj projekat oni pomažu sami sebi i svojim porodicama.

Po završetku bogatog oficijelnog programa druženje je nastavljeno u opuštenoj atmosferi uz ukusne bosanske specijalitete.